
Bible fi pickney presents



Heaven, God's beautiful Yaad

Written by: Edward Hughes

Illustrated by: Lazarus

Alastair Paterson

Adapted by: Sarah S.

Translated by: www.christian-translation.com


Produced by: Bible for Children www.M1914.org


©2021 Bible for Children, Inc.

License: Yu have di right fi copy or print deh story ya, as long as yu nuh sell it.


Wen Jesus live pon earth him tell him disciples bout Heaven. Him call it "my Daddy's House," an seh a did nuff mansion ova deh. A mansion is a big, pretty house. Heaven big an pretty dan any earthly home. ~~~


Jesus seh, "Mi affi prepare a place fi yuh. An if mi guh prepare a place fi yuh, Mi a guh cum an tek yuh fi mi self." Jesus did guh Heaven afta him wake up from di dead. While him disciples watched, Jesus get tek up, an a cloud tek him out a dem sight.






Revelation, di last book inna di Bible, tell wi how pretty Heaven look. Di most wondaful ting is dat, in a very special way, Heaven a God yaad. God deh every weh, but Him throne deh inna Heaven.









Di last page a di Bible describe Heaven as "The New Jerusalem". It big big wid a high wall out a door. Di wall mek outta jasper stone, clear as crystal. Jewels an precious stone cover di


foundation a di wall, sparkling wid gorgeous colors. Each a di gate mek outta single huge pearl!




Dem great pearly gate neva lock. Mek wi guh in deh guh look ... WOW! Heaven is more beautiful inside. Di city mek outta nuff gold, like clear glass. Even di road mek outta gold.




A beautiful, clear river a di wata of life flows from God's throne. On either side a di river is a tree of life, weh did first fine inna di Garden of Eden. Deh tree yah very special. It bear twelve different kind a fruit, a different one every month. An di leaf pon di tree of life is fi di healing of di nations.



Heaven nuh need sun or moon fi light. God glory full it wid wondaful light. Nuh night neva ova deh.



Even di animal dem inna Heaven different. All a dem tame an friendly. Wolf an lamb feed pon grass together. Even mighty lions eat straw like di ox dem. Di Lord seh, "Dem nuh fi hurt or destroy inna all a Mi holy mountain."



As wi look round, wi notice seh tings missing from Heaven. Nuh bad word nah cuss. Nuh body nah fight or be selfish. Nuh lock nuh deh pon di door, cause nuh thief nuh inna Heaven. Nuh liad, nuh murderers, sorcerers, or odda wicked ppl. Nuh sin nuh deh a Heaven.





Inna Heaven wid God yuh nah guh bawl. Sometime, God people bawl cause dem cyah believe seh dem a live such a good life. Inna Heaven, God a guh wipe weh all tears.



Nuh death nuh inna Heaven, either. God people dem wi be wid di Lord fi eva. Nuh more sorrow, nuh more bawling, nuh more pain. Nuh sickness, nuh parting, nuh funeral.


Everybody inna Heaven a go happy fi eva wid God.



Best ting is, Heaven is fi all pickney (all big people to) weh believe pon Jesus Christ as fi dem Saviour an weh obey Him as dem Lord. Inna Heaven a book deh deh name di Lamb's Book Of Life, It full up a people name. Yu know who fa name write inna it? All a di people weh

put dem trust inna Jesus.

Fi yu name in deh?



Di Bible last word dem bout Heaven is a wondaful invitation. "An di Spirit an di bride say, 'Come!' An mek him hear seh 'Come!' An mek him weh thirsty come. An who ever want, mek him tek di water of life fi free."



Heaven, God's beautiful Yaad

A story from God Word, di Bible

deh inna

Jan 14 2 Korintiyan 5 Revilieshan 4, 21, 22

"Di entrance of Yu Word dem give light."
Psalm 119:130



Deh story ya from di Bible a talk bout how God wondaful an waan yu fi know Him.

God know seh all a wi do bad tings weh Him call sins.

Death a di punishment fi sin but cause God love yu Him sen Jesus, Him one son, fi dead pon di cross an get punish fi fi wi sins. Den Jesus come back from di dead an go home to Heaven! If yu believe inna Jesus an ask Him fi figive yu sins, Him a go dweet! Him a go come an live inna yu now, an yu a go live wid him fi eva.

If yu believe seh dis a di truth, seh dis to God:
Dear Jesus, mi believe seh yu a God, an turn a man fi dead
fi mi sin dem, an now yu live again. Please come inna mi
life and figive mi sin dem, so mi can have a new life now,
an be wid yu fi eva one day. Help mi fi obey yu
an live fi yu as fi yu pickney. Amen.

Read di Bible an chat wid God every day! Jan 3:16